

# BONERIANO®

EDITOR:  
Bonaire Communication Services N.V.

Djaweps 10 novèmber 2022 | Preis:\$1.00

## NO TIN BON SINKRONISASHON

### Donashon na Fundashon Kavelvers



Fin di aña pasá un aksidente teribel a tuma lugá na Boneiru kaminda Tara di 21 aña a pèrdè su bida. E tabata traha komo enfermera na Fundashon Mariadal i ya tabata enbolbí den sufrimentu di animal na Boneiru. Tara su mayornan i sernan stimá a lanta un fundashon, Tara21 Foundation, pa kolektá donashon pa mehorá bida di grandinan kaminda Tara tabata traha e tempu ei, pero tambe pa yuda e organisashonnan di animal riba e isla, loke a toka kurason di staf i boluntarionan di Fundashon Kunuku Kavelvers.

Gift CARD  
CityShop  
Smart shopping • Better living  
Easy, nice and thoughtful

LIVE FM 99

xerox™

OBERSI ELECTRONICS BONAIRE

GARTISH 1 PRESENTS  
SABADASOOO THE BIG SALE  
SATURDAY, 05 NOVEMBER 2022  
8:30 - 16:30  
BE THERE!  
KAYA BONGO # 8, NIKIBOKO ZUID  
717-8707 / 796-8707

UP TO 70% OFF  
TILES FOR SALE  
SUPER DISCOUNTS IN OUR ENTIRE STORE  
FOOD, LIVE MUSIC, BONE MERCH & MORE!  
BONE

MANTENE BO VEHIKULO OF EKIPO DEN KONDISHON KU PIESANAN KUMPRÁ NA NAPA  
NAPA

Tuma òf laga para  
pag 5



# Krus Kòrá para klá pa yuda

**KRALENDIJK** — “Krus Kòrá Boneiru tabata para klá pa kualke kalamidat ku por a presentá”. Asina Asha Wilsoe kende ta mèneder di Krus Kòrá a deklará na BONERIANO.

Manera ta ampliamente konosí, áwaseru di djamars 8 di òktober a kousa bastante molèster. Boluntarianon di Krus Kòrá a duna asistensia kaminda esaki tabata nesario. “Spesial-

mente e grupo di grandinan nos a duna yudansa. Banda di e grupo aki tabatin tambe siudadanonan ku nan kas a yena ku awa. E últimonan aki nos a yuda ku saku di santu pa prevení.” Generalmente Krus Kòrá a duna asistensia na mas tantu kasnan ku a yena ku awa.

Mas aleu e mèneder ta sigui splika ku afortunadamente no mester a saka niun hende for di kas. Krus

Kòrá tambe ta forma parti di e tim multidisciplinario di Boneiru. Esaki ta nifiká ku nan tambe ta forma parti di e deliberashon huntu ku gezaghebber i otro partnernan. Mirando ku ainda nos ta den temporada di orkan, Krus Kòrá ta keda pará 24 ora pendiente pa kualke eventualidat.

Interesante pa añadí ku Krus Kòrá no solamente a duna asistensia personal,

pero tambe na telefòn. A duna konseho na esnan ku a yama puntra kiko por hasi pa aliviá nan situashon. “Mayoria hende ku nos a yama bèk, a duna di konosé di ta gradesido ku nan por

deshogá nan. No ta den tur situashon nos por a yuda físicamente, pero ta kontentu di por tabata orea pa skucha e siudadano su situashon”, Wilsoe ta finalisá bisando

## Aksidente ku skuter

**KRALENDIJK**--Riba djamars 8 di novèmber, alrededor di 11.50 or di anochi, a registrá un aksidente ku skuter a tuma lugá riba Kaya Nikiboko Sùit. E

shofùr i e pasahero a kai for di e skuter. Motibu tabata probablemente e kaminda muha. Ambulans a transportá ámbos pa hospital pa tratamentu médiko.

## Skuter hòrta lokalísá

**KRALENDIJK**--Den oranan di mardugá, alrededor di 1.30 or, riba djáron 9 di novèmber a drenta keho di ladronisia di un skuter kolo pretu di marka Yamaha, numerá MF-1240. E skuter tabata stashoná dilanti di un kas situá na Kaya Mandolin i tabata na lòk ku un lòk di kontakto. Doño di e skuter a bula lanta dor di zonido pafó i a topa ku 3 mucha hòmber na momentu ku nan tabata purba hòrta skuter di

e bisiña tambe. E mucha hòmbernan logra hui. E patruya ku a akudí na e sitio a bin topa ku un otro skuter di marka Yamaha, numerá MF-497, stashoná den un otro kaya pega ku Kaya Mandolin. Probablemente esaki tambe tabata prosedente di ladronisia, mirando ku e tabata stashoná mei mei di kaminda.

A hiba e skuter warda di polis pa ward'e. E doño por bin busk'e despues di por mostra un ID bálido.



Rijksvastgoedbedrijf  
Ministerie van Binnenlandse Zaken en  
Koninkrijksrelaties

RVB ta buska:  
**ASISTENTE DI PROYEKTO**

Bo ke yuda i apoyá un variashon di proyektonan di Rijksvastgoedbedrijf? Bo ta gusta supervisá proyektonan? Si esaki ta e kaso, solisitá awor!

Mas informashon?  
Bishitá [www.rijksdienstcn.com/vacatures](http://www.rijksdienstcn.com/vacatures)

Fecha di klousura: 23 di novèmber 2022

Bai ku bo **sedula** òf **pasaporte**

Happy   
Bakuná Hour!

Pasa e angua kontra corona ku bo ta bolbe pasa na **El Mundo!**

 11/11/22  16:30 - 18:00

 [www.bonairegov.com](http://www.bonairegov.com)  0800 0800 (grátis)

**Sigui kuida**

Esaki ta un mensahe di departamento di Salubridat Públiko



 **Presupuesto 2023**

**Edifisio pa un sentro di servisio**

- Un lugá sentral kaminda suidadanonan por atendé tur kos
- Komuniká efisientemente i efektivamente ku kliente
- E sentro di servisio lo habri den 2023



# NO TIN BON SINKRONISASHON

**KRALENDIJK** – Aina no tin un bon sinkronisashon riba importashon di karni. For di algun tempu tin un dekreto na vigor ku mester paga pa importashon di karni meskos tambe kontròl riba kalidat di karni. Pero esaki no ta sosodiendo efisientemente. Ta a base di informashon ku sierto importadó grandi ta duna, ta realisá e kontròl nan. E sinkronisashon ku Duana ainda no ta manera mester ta.

Direktorado di Supervishon i Mantenshon di Lei ta enkargá ku e kontròl riba importashon di karni. E kontròl riba kòntainer di karni ku ta yega Boneiru ya ta sosodiendo pa algun aña. Ta hasi esaki riba un base semanal kaminda ta

kontrolá kuater pa sinku kòntainer pa siman di e importadónan mas grandi. E importadónan mes ta mèldu ki dia nan ta haña kòntainer ku karni.

For di funshonarionan di e direktorado por komprondé ku nan tin kontakto ku Duana ku ta avisá dia ku tin kòntainer ku karni ta yega, pero tòg ainda no tin un bon sinkronisashon. No tur momentu Duana ta informá ku tin kòntainer ku karni ta yega. Ta e importadónan grandi mes ta avisá di esaki, pero te kon leu esaki ta sosodé ku regularidat, no ta bini muchu kla dilanti.

E kontròl nan akí ta tuma lugá dor di hendenan di e kontròl veterinario. Tambe tin un dòbel kontròl kaminada primeramente mester

demonstrá sertifikado di salú di karni i te na momentu ku esaki ta na òrdu e ora ei por habri kòntainer.

Por komprondé ku Direktorado di Supervishon i Mantenshon di Lei ta tratando pa haña un bista ken no ta notifiká di nan kòntainer.

E kontakto ku Duana mester bira mas estrecho ya asina por kontrolá tur karni ku dreña.

Na sèptèmber 2018 a kuminsá ku kobramentu di sèn di kùr ku ta un areglo ministerial.

Ta importante pa mensioná ku esaki no ta konta pa produktonan di karni manera ham i wòrs. P'esei tambe ainda tin diferensia den preis ku importadónan ta duna.

## Inisio tèst na boka di matris

**KRALENDIJK** – E promé kartanan di invitashon a sali. Tur hende muhé entre 30 i 60 aña di edat, ta invitá pa partisipá na e tèst di kanser na boka di matris.

E organisashon di tèst lo hasi promé entrevista pa despues plania un sita. Partisipantenan por ehekutá e tèst serka nan dòkter di

kas. Mundialmente kanser na boka di matris ta pará na di kuater lugá entre e kansernan mas komun bou di hende muhé.

E tèst di kanser na boka di matris ta hasi detekshon di VHP i sélulanan ku ta desviante. Detekshon na tempu ta hasi tratamentu i prevenshon di posibel desaroyo di kanser posibel.

P'esei partisipashon na e tèst ta útil i importante. Hende muhé ku nò a risibí karta di invitashon i ku ta kuadra ku edat di atmishon na e tèst, por yama libremente pa traha sita. Esaki ta posibel via telefòn òf WhatsApp na +599 781-0476, serka Shahaira Libier òf Marianela Alberto.




### Consuelo Memorial

Kaya Maria C. Hellmund-Boom 11 • Bonaire • CN  
T/F: (+599) 717 3243 (24h) • info@consuelomemorial.com •

**Salmo 23: "Señor ta mi wardador mi no tin falta di nada."**

A bai sosegá den Brasa di Señor:



**Bartolomeo Maria Winklaar**  
Mihó konosí komo Bato

Na nòmber di su

**Yunan di kriansa:**

Robertico Bernabela i famia Ray-Germain Winklaar Benjamin Winklaar i yu

**Rumannan:**

Ruben i Georgette Winklaar Ludmila i Erwin Bernabela-Winklaar Sherwin i Reina Winklaar Lourdes Winklaar Marchelien i Rolando Sint Jago - Winklaar Gereld Winklaar i Manette Anthony Arthur Mercera Gilbert Ranés

**Subrino i Subrina:**

Raychel Selberie Rubia, Edelberdt i Roberto-Juan Winklaar Arabella i Luiqinia Bernabela Sherlinda Emerenciana i Jennifer Geerman Anchelo, Rudbella, Rudeline i Lisamarie Sint jago Sapphirah i Jaythen Winklaar i rumannan Mark, Julienne, i Rosenda Mercera Marjolo Mercera, Angelina, Igmarr, Shanilyss, Shunilla i Marjolijn Kroon

**Rumannan di Kriansa:**

Pedro Jansen i famia Marijke D'Arnould i famia

**Prima i Primu nan:**

Margaritha Vlijt i rumannan Altagracia Pauletta i rumannan Nilda Anthony i Rumannan Petra Cicilia i rumannan Ronny Cicilia i rumannan Carmo Cicilia i rumannan Glenn Bernabela i ruman Elba Mercera i rumannan Elvis Mercelina i famia Regis Mercera i rumannan

Na nòmber di su amigu i amiga nan, bisiña i konosí nan, Partido Demokratiko Boneriano, Kor Spiritu Santu i Erica Chan.

**Demas Famia:**

Winklaar, Bernabela, Sintjago, Cicilia, Cesilia, Cecilia, Silberie, Emerenciana, Geerman, Mercera, Kroon, Pourier, D'Arnould, Vlijt, Frans, Pauletta, Jansen, Janga, Susana, Djaoen, Anthony, Hansen, Albertus, Beaumont, Thielman, Offerman, Thode, Balentien, Martinus, Paula, van Arneman, Armstrong, Celestijn, Theodora, Espacia i Wout.

**Si den nos tristesa nos por a lubidá algun famia òf konosí, nos mas sinsero diskulpa.**

**Akto di entierro ta tuma lugá djasabra 12 di novèmber 2022. Ta risibí bishita di kondolensia for di 1'or pa 3.15 di atardi na Kaya Rincon 65.**

**Promé ku entierro tin un sakrifisio di misa pa 4'or na Misa San Luis Beltran Rincon, despues ta hiba e defuntu na su último lugá di sosiegu na Santana katóliko na Rincon.**

**Despues di entierro no ta risibí bishita di kondolensia na kas.**



# Pelíkula 'Casa Coco' ta pone Boneiru den spòtlait

**KRALENDIJK** -- For di 10 di novèmber ta presentá e plasentero pelíkula 'Casa Coco', grabá bou di e dushi solo di Boneiru den teaternan di sine na Hulanda i for di 17 di novèmber por mir'è na Boneiru tambe.

E pelíkula ta bai tokante e grupo di amigu di Rotterdam, Loes Luca, Richard Groenendijk, Gijs de Lange i Frédérique Spigt, ku tur aña ta pasa e temporada di wenter na Boneiru den penshon di Pleun Saris (Joke Bruijs).

Ora Pleun deskubrí ku su amor di tempu ku e tabata hóben, Toon Emmers (Gerard Cox), tambe ta forma parti di e grupo, esaki ta lanta basta stòf. Por mira tambe Katja Schuurman, Oscar Aerts, Tania Kross, Pamela Teves i Chris Tates, den e pelíkula tropikal di hari akí pa grandi i chikí.

Grabashon di e pelíkula a tuma lugá na luna di yanüari i febrüari 2021 na

Boneiru, kaminda Kas Hamaka a sirbi komo lokalidat prinsipal. Huntu ku algun esena den Casa Calexico, e akomodashon akí a forma e dekòr pa e penshon fiktisio 'Casa Coco'. Otro grabashonnan a tuma lugá na Delfins Beach Resort, Klein Bonaire, 1000 Steps i Sorobon.

Durante estadia di e aktor nan i e tim di filmashon, tabatin tempu tambe pa eksplorá nos isla i relahá, entre otro durante un paseo den boto di bela durante bahada di solo ku Epic Tours.

Presensia di e grupo grandi di hulandes konosí, e asina yamá Bekende Nederlanders, òf BN'ers, na Boneiru a sòru pa bastante kibramentu di kabes pa produkshon di e pelíkula, pasobra den e periodo ei tabatin un lockdown i un konseho negativo di biahe relashoná ku Covid-19. Sinembargo na Boneiru ku tabata seif i yen di solo, e grabashonnan por a tuma

lugá sin ningun estorbo.

E storia di 'Casa Coco' ta bai tokante hopi tempu kaba Pleun di Rotterdam (Joke Bruijs) ta manehá un penshon na Boneiru, kaminda e ta enfoká riba huéspetnan ku ta buska reflekshon i trankilidat. Den práktika esakinan ta prinsipalmente hende di Rotterdam for di su propio síkulo di konosí, ku ta apresia pa ta huntu ku otro. Asina tambe Pleun su frei di tempu ku e tabata hóben, yamá Toon (Gerard Cox), kende despues ku su kasá a anunsiá ku e ke divorsiá di dje, a bini ku un pareha ku e tin amistad kuné i a ripará ku bou di e solo boneriano e dianan ta ménos shinishi.

Pleun a edifiká Casa Coco hasié un penshon situá na un sitio fantástiko, pero pa motibu di kompetensia ku ta oumentando, despues di e promé añanan eksitoso, awor akí su empresa ta drai ménos bon.

Nèt ora ku Pleun i Toon ta yegando mas serka di otro, Toon ta deskubrí ku eksistencia di Casa Coco ta kologá na un hilu fini. Teun ta logra salba e penshon i rekonkistá su amor di den su hubentut.

Greenfield Film Productions i Messercola a produší e pelíkula. Direkshon di e

pelíkula tabata na enkargo di Bob Wilbers i Jacqueline Epskamp a skirbi e senario ku koperashon di Maria Goos, Peter Römer i Gerard Cox. Dia 10 di novèmber e distribuidó di pelíkula WW

Entertainment, ta estrená 'Casa Coco' den teater di sine. Un danki ta bai pa tur partner na Boneiru ku a koperá pa hasi e pelíkula akí posibel.



## KEN DIOS TA PA BO?

"Rekonosé ku SEÑOR, E ta Dios; E ta Esun ku a traha nos, i no ta nos a traha nos mes; nos ta Su pueblo, i e karnénan

ku E ta pastoriá." Salmo 100:3 (BS)

Awe mi ke laga bo pensa un ratu riba e dos posibilidatnan akí;

a) Un Dios di den saku. b) Un Dios ku ta riba Su trono.

E promé opshon ta e persona ku ke manehá Dios. E persona akí ke usa Dios manera un dios pa paga kandela. Ora problemanan bati na mi porta i ku mi no tin solushon mi ta buska Dios pa e yuda mi. Ora ku mi a pèrdè trabou, atá laga mi yama riba Dios wak si e por yuda mi haña trabou. Pero pa mi obedesé Dios, esei si nò. Solamente mi ke Dios pa E yena mi nesidat. Ku otro palabra mi no ke niun kompromiso ku Dios, sino solamente ora di nesidat. Mi agènda ta bai promé, despues Dios.

E di dos opshon ta: Dios riba Su trono. Esaki ta, Dios okupando e promé lugá den mi bida. For di momento ku mi a kere i a hasi Dios Rei di mi bida, E ta sintá riba e trono di mi bida. Mi ta konsultá ku Dios pa tur mi asuntunan diario di bida den orashon i ta buska solushon den Su Palabra. Dios riba e trono ta nifiká ku E ta den kontrol i ta goberná.

Kua di e dos opshonnan akí ta esun ku bo ta biba? Bo tin Dios manera algu ku bo ke manehá pa hasi loke bo ke? Òf bo a rekonosé Dios komo Kreador di shelu i tera i komo Esun ku a krea abo i tin tur outoridat?

Dios ta Soberano pero E ke ta un Tata pa bo.

Randolf Paula

**Produkshon PGM**

**Bonaire.tv**  
Historia | Kultura | Naturalesa

**Programanan di Bonaire.tv**

TELBO kanal 70

Flamingo TV kanal 23

### Djaweps 10 novèmber 2022

12.00 Aktualidat:	Laura Weening
13.00 Aki Boneiru:	Roelton Thode
14.00 Herensia:	Bano Pourier
15.00 BAPA:	Angelo Clarinda
16.00 Herensia:	Norma Reigina
17.00 Aki Boneiru:	Akademia Papiamentu Envestigashon
18.00 Herensia:	Freddy Muzo y Sra. Doran
20.00 Programa Politiko:	MPB episodio 3
21.00 Aki Boneiru:	Felix Nicolaas
22.00 Herensia:	Mangrove Maniacs
23.00 BAPA:	Cedric Soleana

Tur mèrdia 12'or ta kuminsá un programashon nobo di 4 ora.  
E programashon aki ta ripití pa 24:00.



Pa: Clark Abraham

# Tuma òf laga para

**KRALENDIJK** -- Tin un dicho na hulandes ku ta bini di un forma antiguo germano pa tuma desishon. Na momentu ku partidonan mester parti algu un di nan ta parti'é pa despues e kontrapartido mag skohe su parti promé. E meta ta ku e partido ku ta parti ta drenta den e mundu di e partido ku ta skohe i ta bai ku e interesnan di ámbos partido. Pues tuma òf laga para.

Ya pa basta tempu kaba Den Haag ta insinuá pa monopolisá kuido di laboratorio na Boneiru. Ministerio di Salubridat, Bienestar i Deporte, VWZ, ke alohá kuido di laboratorio kompleto bou di Fundashon Mariadal i konsekuente mente no finansiá BonLab mas, ku ta tuma riba dje kuido primario di laboratorio.

## **Ekseso di kapasidat**

For di negoshon di e delegashon di Boneiru, konsistiendo di e diputado enkargá ku salubridat públiko, lidernan di tur frakshon ku ta representá den

Konseho Insular i na nòmber di Sekretario di Estado di VWS, e direktornan di ZJCN, ta bini dilanti ku e gabinete ta apliká dos kriterio sentral. VWS ta husga ku den kuido di laboratorio na Boneiru por papia di ekseso di kapasidat i konsumo eksesivo pa loke ta trata kuido di laboratorio.

Segun argumento di VWS, nan ta yega na e konklushon akí siguiendo e normanan pa kuido ku ta komun i koriente na Hulanda. Laga nos pone e huisio akí na prueba.

Na promé lugá, kon por papia di ekseso di kapasidat sí ta kompensá BonLab solamente pa prestashon. Ta paga BonLab solamente na momentu ku un asegurado presentá riba petishon di un dòkter di kas pa laga hasi un tèst, pues solamente pa servisionan médiko ku realmente a duna.

Sí no tin demanda, VWS tampoko tin gastu. Esei ta sin e nesidat pa duna respaldo pa kontinuidat di kuido di laboratorio na

momentu ku e laboratorio di hòspital di Fundashon Mariadal pa motibu di krisis médiko, òf kua otro motibu, no por duna servisio di laboratorio.

## **Konsumo eksesivo**

Awor e huisio di konsumo eksesivo. VWS ta di opinion ku na Boneiru tin mas demanda pa kuido ku loke na Hulanda ta komun i koriente segun e normanan. Esei no ta asina sorprendente, pero VWS mes ta kontestá. Pasobra, riba e web-site di Rijksinstituut voor Volksgezondheid en Milieu di VWS, ta deklará lo siguiente bou di e página: ‘Sifra i echonan tokante e relashon entre pobresa i salú’, i mi ta sita ‘Muchanan i hóbennan ku ta biba den pobresa tin mas keho fisiko i mental ku su kompañeronan ku moda di e mesun edat..... Adul tonan ku ta biba ku problema di sèn, debe òf pobresa tin strès króniko mas frekvente, un stail di biba no saludabel. òf malesanan króniko manera diabétis i



problema ku kurason’.

Pues, VWS ta konsiente ku pobresa tin un influencia direkto riba salú i pa e motibu ei ta orígen di un nesidat di kuido mas haltu.

## **Pobresa eksesivo**

Awor ta asina ku pa años kaba Den Haag ta na altura ku na Boneiru ta reina pobresa eksesivo, sigur mas haltu ku normanan hulandes. Sinembargo Ministerio di Asuntunan Sosial i di Trabou, SZW, ta nenga di fiha un mínimo sosial aseptabel, ku konsekuensia ku ta keda mantené pobresa polítikamente na Boneiru.

Pues, resumiendo maneho di Den Haag ta tene e mínimo sosial bou di normanan hulandes, ku konsekuensia ku ta mantené pobresa na Boneiru i ta okashonando un demanda di kuido mas haltu i ku Hulanda ta konstatá ku e demanda di kuido na Boneiru ta mas haltu ku e norma hulandes i ku pa e motibu ei nan ta husga ku mester kòrta den e suministro di kuido. Bo por sigui’é ainda?

Ta parse ku e Kabinete ke tuma i alabes laga para. Pregunta ta, unda e interes di Boneiru a keda den esaki.

*Logro tras di logro*

# Bandera di Boneiru te na Egipto

**KRALENDIJK** -- Pa klima anual ku tin huntu bou di awa i ya kaba nos ta promé bes Boneiru ta tuma ku Hulanda. E situashon eksperensia wer ekstremo, parti na e konferensia di ta serio, Boneiru ta kasi sekura, tormenta, kayente

di mas, etc.

Sion Janga ku ta sali na interes di hóbennan boneriano ta skirbi: “Klaro nos no por solushoná esaki, pero si nos por interkambiá ku otro pais pa wak kiko nan ta atendiendo kuné ku kisas nos por usa na Boneiru pa mitigá e efekto di kambio di klima, òf nos por risibí yudansa pa implementá nos mesun plannan i asina risibí atenshon internashonal.

Ta skucha par di hende, polítikonan sin vishon, òf hendenan ku no a logra nada i ta sinta masha konfortabel mes den nan kas ta kritiká tur kos riba media sosial ku

nos a bin pa gasta nos tempu na Egipto. Ta tristu pa skucha par di hende grandi ku mester ta na tinu ta papia payasada. Kada biá ku nos a saka bandera di Boneiru, òf a mensioná Boneiru, otro paisnan a hala bin pa skucha mas di nos isla. Asta Minister Presidente Rutte tabata sorpresá pa mira Boneiru na e konferensia akí, segun Janga.

Janga ta haña ku esaki ta stapnan grandi ku niun hende tabatin kurashi pa tuma. Mas motibu pa invertí den hóbennan di Boneiru pa nan por representá nan isla di e manera akí.





*Sedimento i awa sushi*

# Menasa grandi pa koral i ekonomia di turismo

**KRALENDIJK** – Den un reashon na Bonaire.nu tokante imágennan di floho di lodo den laman, STINAPA ta bisa ku sedimento, awa sushi i sushamentu, ta menasa grandi pa ref di koral i ekonomia di turismo.

E yobidanan di e último dianan ta laga mira kon importante un bon maneho di awa ta pa desaroyo duradero di nos isla. STINAPA ta traha huntu ku Entidad Públiko Boneiru na un maneho

supervishon i mantenshon di lei riba konstrukshon na kosta i bichnan artifizial. Na mes momentu mester di inershonnan grandi den infrastruktura i purifikashon di awa, segun direktor di STINAPA, van der Ploeg.

Esaki ta temanan importante den e plan di maneho di naturalesa i medioambiente di Gobièrnu di Reino. Lástimamente ainda tin muchu tiki adelanto bisto. Ta esensial pa pone e buni-

ta palabranan den akshon konkreto. E futuro di nos isla ta den wega, segun van

der Ploeg.

Un doño di hotèl a reashoná ku e palabranan ku

tin sufisiente bich bunita na mundu, pero no tin refnan di koral manera Boneiru tin



*Maurice Adriaens tokante:*

## Karton den kuminda di bestia

**KRALENDIJK** – Un di e problemanan mas grandi ku kunukeronan boneriano ku ta kria bestia, kabritu i karné, ta konfrontá ta alimento pa nan kabritu i karnénan. Hefe di LVV, e servisio di agrikul-

tura, krio i peska, Maurice Adriaens, den reunion di komishon di Konseho Insular, a elaborá riba e problemátika aki.

Adriaens a bisa ku banda di e echo ku LVV

ta eksperimentando ku e yerba yamá Mulato II, ku mundialmente ta hopi plantá pa duna bestia, nan ta pensando riba otro posibilidad tambe di alimento pa bestia. Entre otro pa prosésá karton den kuminda di baka, kabritu i karné.

Ta konosí pa añanan kaba ku tin kunukero ta duna nan bestianan karton kome, kombiná ku otro produkto alimentisio. LVV ta den kombersashon ku Selibon tokante e asunto aki.

Ta normal ku spesialmente kabritu gusta kome karton. Papel i karton ta konsistí di selulosa, e ingrediente prinsipal di mata i palu.

Pues no ta hasi diferensia ku si un kabritu kome e kaska di un palu yòn òf e ta kome un kaha di webu di karson. Pero no mester ta idea pa duna e bestianan aki solamente karton pa kome.

Ademas mester paga tinu pa karton òf papel ku tin kos imprimí ariba. E enkpor ta venenoso. Tambe mester trata na kita posibel leim.



**S.V. Vitesse**

Ku onda pena nos a tuma nota di fayasimentu di

**Hermengildo Jacinto Wijman**

Eks-miembro di Vitesse

Direktiva i miembronan di S.V Vitesse ta ekstendé su mas sinsero palabranan di kondolensia na famia.

## Atenshon modesto den reportahe di naturalesa

**KRALENDIJK** – Den e reportahe di naturalesa presentá djamars dor di Minister di Naturalesa i Nitrógeno, Christainne van der Wal-Zeggelink na Tweede Kamer, ta pone atenshon modesto na Karibe Hulandes.

Den esaki ta sugirí ku e agènda di eheshon di e plan di medioambiente pa Karibe Hulandes 2020-2030, NMBP, pa Boneiru lo mester a keda stipulá den e promé mitar di e aña akí, pero esaki no ta e

kaso. Konseho Insular dor di mal kontentu a manda e dokumentashon tokante kon a yega na e agènda di eheshon bèk pa Kolegio Ehekutivo.

Organisashonnan di naturalesa, pero tambe e ministerionan enbolbí, bou di kua agrikultura, naturalesa i kalidat di kuminda, ku a nota ku den e agènda no a duna impulso na rekupeashon i mantenshon di naturalesa, ta preokupá tokante e adelanto lento di e NMBP ku ta entre tantu dos aña bieu.



*Minister Christainne van der Wal-Zeggelink.*

**Grupo Drion Construction B.V.**

ta buska

**1 Eletricista  
1 Plomero**

- Mester tin eksperiensia

**Pa mas inf. 777-3131**

**A&G Holding B.V.**

ta buska

**- 10 Metselaar - 2 Tegelzetter  
- 2 Timmerman - 2 Schilder**

**Pa mas info yama tel. 700-3678/ 700-7350**



# SOLUSHONNAN ESTATAL NOBO 8

## DI KON FEDERAL TA MIHÓ?

*Sin duna responsabilidat, no por asumí responsabilidat. Un Reino por ta un federashon?*

Bueno, Bèlgika ta un Reino i tambe ta un federashon. Pues, ata bo kontesta. Sinembargo e pregunta ta bon. Pasobra federalismo ta yu di demokrasia. I nos a kibra ku reinan i aristokrasia, pasobra nos tabata ke demokrasia. Pues, sí un 'Reino Federal' ta un kontradikshon.

No opstante esei, meskos ku Hulanda, Bèlgika tambe a logra krea un demokrasia pasabel, apesar di e kapricho di su Kas Real. De echo, e sistema estatal di Bèlgika ta mas serka di un berdadero repùblika ku esun di Hulanda, pasobra Bèlgika a bira un Reino demokrátiko federal, miéntras ku Hulanda a bira un Reino demokrátiko unitario.

### Awor e pregunta klave: Di kon mester promové federalismo?

Bon, na promé lugá, pasobra e ta yuda gruponan (hopi) diverso den poblashon pa koperá i biba huntu den bon harmonia. Den sistemanan demokrátiko no-federal, diferensianan profundo di identidat hopi biá ta resultá den un situashon kaminda un grupo mayoritario (étniko, religioso òf di idioma), ta bira dominante i ta reprimí tur e otro gruponan.

Den nos Reino e karakterístika federal akí ta hopi importante, pasobra e hulandesnan ta un grupo basta homogenio di +/- 17 mion i nan identidat ta hopi distinto di e +/- 350.000 antiano. Ademas, antianonan no solamente ta ménos homogenio, nan tambe ta papia idioma diferente (ingles c.q. papiamentu). Ètnikamente antianonan ta hopi diferente di hulandesnan i nan ta hopi mas inkliná pa ta religioso.

Anto, pa hasi'è mas difísil ainda, e islanan ta situá hopi leu for di Hulanda n'e otro banda di Oséano Atlántiko.

Pues, dominashon Hulandes Europeo ta kasi inevitabel. En realidat, ta hopi difísil pa e senario akí por ta eksitoso.

Ta p'esei kisas nos mester ta orguyoso ku, apesar di dominashon pisá i apesar di tur nos diferensianan, nos a logra keda huntu den Reino pa kasi 70 aña kaba. Apartemente, apesar di tur su eronan, nos Statút bruá i imperfekto di un òf otro manera ta funshoná tòg.

Oké, ta bèrdat. Nos ta kere ku e éksito akí ta debí na e echo ku nos Reino realmente ta un federashon, ounke e ta basta bruá i tin tokenan kontradiktorio. Tampoko no ta praktik'é asina tampoko. Pa e motibu ei nos ta proponé pa kambi'è y hasi'è un federashon mas perfekto, di moda ku e por sigui funshoná pa por lo ménos dos generashon mas.

Nos semper lo mantené nos derecho pa un dia nos por opta pa independensia, basá riba artíkulo 1 di e tratado pa derechonan sivil i polítiko. Mientrastantu nos aspirashon mester ta pa optené derechonan federal.

Esaki ta importante, pasobra Federalismo ta distribuí podeman polítiko na un forma kla. Kada partner sa kiko ta su derecho i debeman. Semper lo persistí tenshon entre Gobièrnu Nashonal i e gobièrnanan Federal, pero den un sistema federal e tenshon akí ta keda manehabel. I Korte Konstitushonal t'ei pa sòru ku e no ta resultá den separashonnan hostil.

No por logra mantené union den estadonan unitario? Bon, ta posibel sí. Pero normalmente no na un forma pasífiko. E estado unitario di Indonesia, por ehèmpel, a logra di mantené union, pero ku hopi forsa militar. Ehérsito Indones mester a suprimí hopi rebelion ku forsa militar brutu riba diferente islanan Indones. Pero den nos federashon imperfekto esei tabata nesario solamente un biá. Esei tabata na aña 1969, ora Hulanda mester a manda trupa pa restorá òrdu na Kòrsou.

Pues federalismo no ta perfekto, pero e ta funshoná basta bon. Pero pa e por sigui funshoná, mester duna e islanan responsabilidat federal kompleto. No e paternalismo i despresio ku e aktual Statút ta dikta. Meskos ku un mucha no ta responsabel pa su aktonan pasobra e ta menor di edat ainda, asina tambe nos islanan lo no por karga responsabilidat kompleto, a ménos ku ta duna nan responsabilidat federal basá riba e doktrina di soberania dual.

Pues awor nos por redaktá artíkulo 1 di Statút di nobo:

### Artíkulo 1

1. Reino Hulandes ta konsistí di e siguiente estadonan federal: Hulanda, Aruba, Kòrsou i St. Martin.
2. Korte Konstitushonal ta interpretá Statút i tur lei di Reino conforme prinsipianan federal.





**Responsabel?  
Esei no ta MI Departamento!**

## MONCHI & TONCHI

Tonchi, ma mira un kara straño den Shirley su kantor.

Awèl si, mi ta spera e kara ei no sinti dushi den e ofisina i no ke bin atendé mas ku nos.



### KOLOFÓN

Editor Bonaire  
Communication  
Services N.V.  
Kaya Irlanda 12,  
Tel. 717-8482

E-mail:  
extrabon@gmail.com  
Wèpsait:  
www.extraboneiru.com  
Facebook: Extra Boneiru

**Direktor**  
Shirley Martis  
785-3824  
796-3824

**Hefe di redakshon**  
Nathaly  
Evertsz-Ipcedencia

**Redakshon**  
Papi Antoin  
Davienuska Janga  
Velli Gijsbertha  
Edson Pietersz  
Ibi Piar (deporte)

**Partner na Aruba**  
Awe Mainta

**Partner na Kòrsou**  
Extra

**Layout**  
Davienuska Janga  
Maya Beaumont

**Konsehero:**  
Bò Antoin  
786-6818  
**Aviso**  
avisobon@gmail.com





# Partisipashon



Kolegio Ehekutivo di Entidat Públiko Boneiru, a base di artíkulo 2.8 insiso 3 di e Lei di bibienda públiko, planifikashon espasial i maneho ambiental BES, ta partisipá ku den e periodo **te ku fin di augustus 2022** a risibí e siguiente petishonnan pa pèrmit di konstrukshon:

Zaak kenmerk	Aanvraag datum	Vergunning aanvraag voor	Andere soorten bouwwerken	Perceel gegevens	Wijk	Straat en huisnummer
Z/22/001211	17-mrt-22	Bouwen	Appartementencomplex	4-D-525	Nikiboko	Kaya Nikiboko Zuid
Z/22/002220	02-aug-22	Bouwen	Woonhuis met zwembad en atelier	4-A-2604	Sabadeco	Sabadeco Crown West 273
Z/22/002223	02-aug-22	Bouwen	Woonhuis	2-B-1355	Rincon	Rincon
Z/22/002227	02-aug-22	Bouwen	Drie appartementen onder één kap.	4-G-1576	Tera Kora	Kaya Uruquay 6A
Z/22/002244	05-aug-22	Bouwen	Woonhuis	4-G-298	Nikiboko	Kaya Pos di Amor
Z/22/002266	09-aug-22	Bouwen	Woonhuis met zwembad	4-A-2101	Sabadeco	71
Z/22/002269	09-aug-22	Bouwen	Restaurant	4-H-894	Belnem	Punt Vierkant 44
Z/22/002272	09-aug-22	Verbouwen	deuropening (met deur) in de buitengevel van de monumentale bijbouw	4-F-1205	Kralendijk/Playa	Plasa Reina Wilhelmina 2
Z/22/002288	11-aug-22	Bouwen	Bedrijfsruimte	4-G-3356	Tera Kora	Kaya Industria Pariba z/n
Z/22/002291	11-aug-22	Bouwen	Podium en toiletgebouw	2-F-1327	Kralendijk/Playa	-
Z/22/002298	12-aug-22	Bouwen	Studio	4-G-1479	Tera Kora	Kaya Zaire #15
Z/22/002300	12-aug-22	Bouwen	Woonhuis	4-G-3939	Nikiboko	Vista Royal Village 51
Z/22/002302	12-aug-22	Bouwen	Woonhuis	4-G-3938	Nikiboko	Vista Royal Village 49
Z/22/002304	12-aug-22	Bouwen	Woonhuis	4-G-4016	Nikiboko	Vista Royal Village 30
Z/22/002305	12-aug-22	Bouwen	Twee woonhuizen met zwembad en losstaand berging	4-A-493	Santa Barbara	Kaya Dorado (4-A-493 en 508)
Z/22/002306	12-aug-22	Bouwen	Woonhuis met 3 studio's onder één kap en zwembad	4-B-346	Bona Bista	Bona Bista B20
Z/22/002325	15-aug-22	Bouwen	Woonhuis	4-F-145	Kralendijk/Playa	J.A. Abraham Boulevard
Z/22/002340	16-aug-22	Bouwen	Garage	4-A-2275	Santa Barbara	29
Z/22/002363	18-aug-22	Uitbreiden	Winkel	4-D-2455	Hato	Kaya Amsterdam
Z/22/002369	19-aug-22	Bouwen	Woonhuis met zwembad en losstaand garage	4-G-3987	Nikiboko	Vista Royal Village 82
Z/22/002374	22-aug-22	Bouwen	Woonhuis met zwembad en losstaand berging	4-H-484	Lima	La Palma Lot 38
Z/22/002375	22-aug-22	Verbouwen / Uitbreiden	Woonhuis	4-D-2960	Hato	Kaya Brunssum 8
Z/22/002388	24-aug-22	Bouwen	Woonhuis met zwembad	4-G-3856	Nikiboko	Sonrisa di Lac 39
Z/22/002391	24-aug-22	Bouwen	Woonhuis	4-G-1063	Nikiboko	Kaya Triton
Z/22/002396	25-aug-22	Bouwen, Uitbreiden	Woonhuis	4-G-3603	Nikiboko	Kaya Fogon
Z/22/002425	29-aug-22	Bouwen	Woonhuis	4-G-553	Tera Kora	Kaya Zaire (B)
Z/22/002426	29-aug-22	Bouwen	Woonhuis	4-G-553	Tera Kora	Kaya Zaire (C)
Z/22/002427	29-aug-22	Bouwen	Woonhuis	4-G-553	Tera Kora	Kaya Zaire (A)
Z/22/002433	30-aug-22	Herbouwen, renoveren	Bestaande pand	4-D-583	Kralendijk/Playa	Kaya Generaal G.M. Piar
Z/22/002434	30-aug-22	Bouwen	Twee woonhuizen onder één kap	4-A-164	Hato	Kaya Pauwnee
Z/22/002437	30-aug-22	Bouwen	Woonhuis	4-A-1495	Republiek	Kaya Jasinto z/n
Z/22/002445	31-aug-22	Bouwen	Woonhuis met zwembad	4-G-3931	Nikiboko	Kaminda di Lac
Z/22/002450	31-aug-22	Bouwen	Appartementencomplex	4-E-2283	Antriol	Kaya Gloria z/n
Z/22/002453	31-aug-22	Bouwen	Studio	4-E-2248	Antriol	Kaya Mozart
Z/22/002454	31-aug-22	Bouwen	Appartementencomplex	4-E-2284	Antriol	Kaya Gloria z/n
Z/22/002456	31-aug-22	Bouwen	Carport	4-A-819	Sabadeco	Sabadeco Villas 19
Z/22/002458	31-aug-22	Uitbreiden en bouwen	Woonhuis en nieuwe zwembad	2-B-1048	Rincon	Rincon
Z/22/002813	13-sep-22	Uitbreiden	Woonhuis	4-A-1189	Sabadeco	Terrace Crown 3

E anunsio públiko tin komo meta pa informá tur hende tokante petishonnan pa pèrmit di konstrukshon ku a keda entregá. Interesadonan direkto, denter di dos siman di e anunsio aki, pa medio di un sita por tira bista riba dokumentonan i entregá nan punto di bista na Direktorado Planifikashon i Desaroyo/ Departamento di Realisashon/ Unidat di Pèrmit di konstrukshon (via email na: [directie\\_ro@bonairegov.com](mailto:directie_ro@bonairegov.com)). Ta enbolbí e punto di bista den e toma di desishon. Si bo no ta di akuerdo ku e desishon definitivo, a base di e Lei hurisdikshon atministrativo BES dentro di un término di 6 siman despues di e fecha ku a emití e desishon, bo por entregá un karta di opheshon na Kolegio Ehekutivo, òf bai den apelasion na Korte di Promé Instansia dentro di 6 siman despues ku e fecha ku a emití e desishon.

Direktor di Direktorado Planifikashon i Desaroyo  
Gobièrnu di Boneiru  
Ing. Marlon Martina, MBA



# Mariadal habrí solamente pa kaso di emergensia

**KRALENDIJK** -- Pa motibu di molèster ekstremo di awa i e konsekuensianan di esaki, djaweps 8 di novèmber Fundashon Mariadal tabata habrí solamente pa kasonan di emergensia.

Tabatin un eksepsion riba esaki pa pashèntnan pa tratamentu durante dia, pa operashon i pa kasonan di emergensia. E situashon akí ta keda na vigor te un próksimo aviso.

A posponé sita pa e poliklínikanan i a yama e pashèntnan i e klientenan ku tabatin un sita pa traha un sita nobo. Mariadal ta sigui vigilá e situashon, tambe relashoná ku eventual yobida nobo.

Tambe a redusí e kantidat di operashon. Solamente operashonnan di

emergensia a tuma lugá.

## **Ka'i Mimina**

Pa motibu di hopi molèster di awa a disidí pa sera Ka'i Mimina djáron 9 di novèmber. Via telefòn a pone e klientenan na altura di esaki.

Na momentu ku e molèster di awa bira ménos i e edifisio ta aksesibel atrobe, Mariadal ta notifiká ku Ka'i Mimina por habri atrobe pa bishitantenan durante dia.

## **Botika**

En prinsipio e botikanan di Fundashon Mariadal ta habri i operashonal. Na botika na Mariadal tin molèster di awa pafó di e edifisio, loke ta difikultá aksesio na e botika.

Pa e motibu akí Mari-

adal ta konsehá pa djáron 9 di novèmber bai un otro botika si e molèster di awa kontinuá. Tin eksepsion pa kasonan di emergensia.

Si tin pregunta òf duda tokante remedi, por tuma kontakto na numbertan di telefòn (+599) 715-8905 i (+599) 715-8900, eksten-

shon 1910.

Mariadal ta vigilá e desaroyonan i lo duna informashon na momentu ku tin cambio den e situashon.



*ZJCN mester komprondé*

## **Boneiru mihó sirbí ku dos laboratorio**

**KRALENDIJK** – Manera ta konosí lidernan di frakshon den Konseho Insular a biaha pa Hulanda riba un mishon pa konvensé e sekretario di estado di VWS, van Ooijen, pa mantené BonLab habrí, pero no a logra haña kombersashon ku e sekretario di estado, loke kai den mal tera pa e lidernan di frakshon.

Na lugá di van Ooijen, a konsehá e lidernan di frakshon pa reuní ku sr. Barnard di ZJCN. For di e kombersashon, di akuerdo ku lider di frakshon

di UPB, Esther Bernabela, a sali ku Kolegio Ehekutivo lo bolbe sinta ku ZJCN dia 22 di novèmber.

Bernabela: “Mi ta spe- ra ku ZJCN por komprondé awor mas ku nunca ku Boneiru ta mihó sirbí ku 2 laboratorio. Lo mi no kana dilanti pa duna ningun deklarashon afirmativo ni negativo, pasobra nos ta keda positivo.”

Nos reunion ku Sekretario di Estado van Huffelen, tabata unu ku tabata fruktífero den sentido ku a skucha nos puntonan ku tabata diferente relashoná ku

salubridat y lógikamente e parti sosial. Van Huffelen a keda pa investigá i duna kontesta riba sierto pregunta ku a bin dilanti, segun Bernabela.

Pa awe djaweps, di akuerdo ku Bernabela, e lidernan di frakshon tin reunion ku miembronan di Tweede Kamer i lo ta unu ku lo bini ku hopi pregunta pa e miembronan i tambe keho mui en partikular di henter e suseso BonLab i e posishon tumá dor di Sekretario di Estado di VWS vanOoijen, ku no a duna kara.

# Moshon tokante rasismo di klima rechasá

**KRALENDIJK** – Na okashon di konmemorashon na 2023 di 160 aña e abolishon di sklabilitut transatlántiko dor di Hulanda, mester tuma medidanan pa kombati rasismo di klima, segun un moshon di miembro di Tweede Kamer, Sylvana Simons di BIJ1. E moshon no a keda aseptá pa un mayoria di Parlamento.

Simons ta indiká ku Gabinete Rutte no a tuma

maneho di klima struktural pa e parti karibense di Reino, inkluso e paisnan autónomo Kòrsou, Aruba i St. Maarten. E ta yama esaki ‘rasismo di klima’, ku den su bista ta originá for di e pasado kolonial.

Ku solamente sosten di Partij voor de Arbeid, Groelinks, Partij voor de Dieren, Denk, Volt, Frakshon Den Haan i Simons mes, e moshon a keda na 30 voto.



*Sylvana Simons di BIJ1.*



# Fakansi i trabou na dushi Aruba (4)

Pa: Bòi Antoin



Despues di basta aña mi ta na Aruba atrobe. Dushi Aruba lo mi bisa. Isla na unda mi a pasa mas ku ún aña di mi bida i ku a bira mi segundo isla. Mi a haña invitashon pa partisipá na e siman di buki pa mucha. KBF – Kinderboeken Festival. Pero di mes mi a tuma tempu pa usa mi oreadan pa skucha i mi wowonan pa mira, ora tabata nesesario usa mi burakunan di nanishi pa hole. I mi dedenan pa skirbi e seri aki.

## Promé dia na skol

Djaluna tabata mi promé dia di bishita na skolnan di Aruba pa papia riba e tema di naturalesa. E tema di e siman di buki ta 'Biba Natura-lesa'. Adelantá, for di tempu ku a invitá mi pa partisipá, mi a splika ku mi no a publiká ningun buki, sigur no pa mucha, tokante naturalesa.

Den Extra i BONERIANO sí mi a publiká diferente seri tokante naturalesa, manera 'Frutanan boneriano', 'Ami ku naturalesa', pa no lubidá 'Chantiwawa riba Ròndu', basá riba nos kaminanan den naturalesa riba tur djadumingu.

Loke sí a sosodé ta ku for di investigashonnan ku mi a hasi dos outor boneriano a publiká buki pa mucha, esta Monica Clarinda i Denise de Jongh-Rekwest. Monica na último momentu no a logra yega Aruba. Denise sí t'aki.

Biblioteca Nacional di Aruba (BNA) ta sòru pa transporte pa e skolnan ku bo mester bishitá. Tambe pa un guia, ku alabes ta shofùr. Djaluna mi shofùr i guia tabata George Jacobs, esposo di direktora di BNA Astrid Britten. Fo'i kuartu pa shete e tabata kla pará pafó di Camacuri Apartments ta warda mi.

George ta un persona ku tin sentido di humor i nos a klek ku otro mesora. Nos a kue kaminda di San Nicolas ku riba lista dos skol pa nos bishitá, esta Caiquetioschool na Brazil i Scol Basico Xander Bogaerts na San Nicolaas.

Na kaminda George a konta mi di su bida i karera. E ta kamarógrafo i fotógrafo. El a yega di traha riba su mes i awor tin su mes kompania di fotografia i videografia. E ta gaba i saka portrèt di hopi aktividat, manera kasamentu, hasimentu di aña i asta entiero.

## Caiquetioschool


E skol aki, promé riba lista, ta un skol spesial pa muchanan ku tin difikultat pa siña. Un dje maestronan, fam Vrolijk, a risibí nos na porta di skol pa hiba nos den 'koffiekamer', na unda nos ta topa mas maestro.

Ta resultá ku diferente di nan konosé mi atraves di e programa 'Herensia', ku ta pasa hopi na TeleAruba i un kanal bou di nan ku yama 'Nos Isla'. Hopi hende ta wak e programa aki. Tur kaminda ku mi bira aki na Aruba nan ta rekonosé mi i ta kumindá. Mi no por hasi nada skondí mas aki na Aruba.

E bishita na Caiquetioschool a bai hopi bon. E muchanan ta hopi inteligente. Ta solamente, manera m'a komprondé di un maestra, nan tin difikultat pa kapta e materia lihé. Nan pregunta i opservashonnan a sorprendé mi. Mesora m'a sinta mi tambe na kas serka nan.

Despues di presentashon nos a bai den 'koffiekamer' atrobe pa dal un kòfi, kompañá pa un krokèt i pastechi.

Mi a sera konosí tambe ku un yu hòmber di e reina di kushina Desirée da Costa Gomez, kende a sigui den pasonan di su mama. E ta duna lès di kushinamentuna e skol aki.







Un señora di orígen haitiano ku ta traha na e skol a laga mi komprondé ku e ta wak tur mi programanan. I el a bisa di ta siña hopi. El a pidi pa papia ku e maestra i maestronan, pasobra e ta traha te di yerba trese pa nan, pero nan no ta gusta bebe nan. Na Aruba nan ta bisa yèrba.

## Xander Bogaerts

Scol Basico Xander Bogaerts ta keda na San Nicolas. Tur kos a kana bon einan. Kabes di skol a konta mi ku Xander a bishitá e skol aki. P'esei nan a kambia e nòmber di Pieter Boerschool pa nòmber di Xander, awendia hungadó di beisbòl na Merka. M'a konta e kabes di skol ku Xander a lanta tambe na Boneiru.





# Pueblo ke pa sera nan i no e kayanan

**KRALENDIJK**—Siudadanonan hopi disgustá i fadá asta di e situashon ku a sosodé djamars, no momentu ku áwaseru a kai, pero despues. For di mardugá áwaseru a kai i ya pa mainta a stòp. Loke a sosodé e awa ku ta kore for di den áreanan pariba di Boneiru bin pabou ántes por a bai laman, awendia no ta posibel. Esei ta pone ku momentu hopi aña kai, e ta kousa problema.

Bèrdat e awa ku a kai djamars no ta sosodé ku regularidat. Esnan konserní a krea un struktura último ayanan, loke ta pèrkurá pa poko yobida, ya tin problema ku awa ta kousa molèster.

Un di e problemanan mayor ta e asunto ku awa no por bai laman, pasobra

e ta dañá e koral. Ta parse komo sifuera ta algun aña pasá koral a nase i mester kuida nan. Kisas no tin prueba, pero koral tabata promé ku hende a nase. Di tur manera ku nos sa, promé ku hende a yega Boneiru, ya koral tabata tei, áwaseru semper ku mundu ta eksistí tabata kai. Ta na unda a sali ku momentu áwaseru kai mester pèrkurá pa e no yega laman. Kisas esei tampoko ta un problema, pero e sabionan mester pèrkurá un sistema pa hiba e awa un kaminda pa evitá ku e ta krea molèster. Hopi biá esnan ku a pèrkurá pa e prosesonan menshoná, esta pa awa no bai laman, nan mes tin outo haltu i ta biba riba seru. Nan no ta sinti loke otronan ta sinti,

mas ainda innesesariamente. Esaki ta un akto kastigabel. Djamars a kore sera yen di kaya, kousa

mas problema di ya loke tin. No sera e kayanan, sera esnan ku a pèrkurá pa awa kousa molèster i

awor ke sera kaya. Esaki ta loke un persona a bisa i a papia tokante un bari-kada na suela.



## Donashon na Fundashon Kavelvers

**KRALENDIJK** – Fin di aña pasá un aksidente teribel a tuma lugá na Boneiru kaminda Tara di 21 aña a pèrdè su bida. E tabata traha komo enfermera na Fundashon Mariadal i ya tabata enbolbí den sufrimentu di animal na Boneiru.

Tara su mayornan i sernan stimá a lanta un fundashon, Tara21 Foundation, pa kolektá donashon pa mehorá bida di grandinan kaminda Tara tabata traha e tempu ei. Pero tambe pa yuda e organisashonnan di animal riba e isla,

loke a toka kurason di staf i boluntarionan di Fundashon Kunuku Kavelvers. Na honor di Tara, a honra e hospital di Fundashon Kunuku Kavelvers na su nòmber. E fundashon ta gradisí su famia, amigu i tur esnan ku a hasi donashon.



### Professional Garden Works Bonaire

ta buska  
**Tuinier**

Mester tin 2 aña di eksperensia i reibeweis.

Pa mas info yama na tel. **788-4421**



### PARTISIPASHON

Preis pa produktonan di kombustibel entrante  
11 novèmber 2022

#### Preis por mayor:

Gasolin	133,89	USDct pa liter
Kerosin	104,00	USDct pa liter
Gasòil	129,63	USDct pa liter
LPG 100 lbs	53,32	USD pa silinder
LPG 20 lbs	11,02	USD pa silinder

#### Preis por detayista:

Gasolin	141,00	USDct pa liter
Kerosin	107,00	USDct pa liter
Gasòil	134,00	USDct pa liter
LPG 100 lbs	59,44	USD pa silinder
LPG 20 lbs	12,53	USD pa silinder

Gezaghèber,  
E.E. Rijna

Sekretario Insular,  
W. Pelk






# Kon distinguí un kardinal, un obispu i un monseñor?

**Philip Kosloski**



*Obispo*



*Monseñor*



*Kardenal*

Ora nan tres ta bisti sotana, e por resultá konfuso

Pafó di liturgia, miembronan di e klero tin vários opshon di paña pa bisti. Pa okashonnan mas informal, mayoria ta bisti un simpel kamisa pretu ku un krag romano blanku.

Ora nan ta asisti na eventonan mas formal òf nan ta frekuentá e plasa di San Pedro na Roma, obispanan, kardinalnan i monseñornan por bisti un sotana, ku ta indikativo di nan ofisio. Nan sotana tin e kolónan ku ta distinguí nan, pero for di djaleu

nan no ta diferensia ku fasilitat. E ta inkluso mas difísil ora e sirbidónan aki ta bisti un sotana ku únika mente e rantnan i e fahanan di diferente koló.

Ta sigui un guia rápido pa yuda na identifika kada koló i su simbolismo.

## Monseñor

Durante hopi siglo, papa tabatin pa kustumber konsedé título nan honorario na saserdotenan di su korte papal. Tabatin múltiple grado di honor ku normalmente únika mente e saserdotenan ku taba-

ta traha mas yegá ku e Tata santu tabata risibí. E título aki a bai ta ekspandiendo ku tempu i konsediendo na saserdotenan di Roma riba rekomendashon di un obispu, aunke ku poko tempu pasá el a ser limitá atrobe pa papa Francisco pa bolbe na e práktika antiguo.

Komo miembronan di e korte papal, e monseñornan tabata bisti e koló lila. Generalmente, e monseñornan no tin un *zucchetto* òf solideo (e casquete pa e kabes) ni un krus pectoral, lokual ta dis-

tinguí nan di e obispanan i kardinalnan.

E koló lila (ku ta mas serka na magenta) ta konektá ku e tradishon di e Imperio romano pa bisti e dignatarionan nobo ku un toga lila. Den e heráldiko medieval, e koló aki tabata simbolisá hustisia, mahestat real i soberania.

## Obispu

Durante mayor parti di historia di Iglesia, bèrdè tabata e koló di obispanan. Te ainda por mira e koló aki den e tradishonal eskudo di arma ku kada

obispu ta skohe ora e ser elegí. Sin embargo, den siglo XVI e koló a kambia pa 'kòra amaranto', ku ta risibí e nòmber akí den referensia na e koló di e flor amaranto. Den práktika, e parse e koló fucsia.

Pasobra e ta un koló similar na lila, e tin un balor simbólico ku ta señalá e tarea di e obispu pa goberná su diósis lokal.

Ademas di e koló, obispanan ku ta bisti nan sotana por identifika nan mes pa nan solideo di e mesun koló i e krus pectoral kologando riba su pechu.

## Kardinal

E nòmber tékniko pa e kolonan ku e kardinalnan ta bisti ta 'escarlata'. E koló akí ta distinguí nan komo miembronan di e Kolegio si Kardinalnan i "prinsipenan" di Iglesia.

Ora e papa ta pone e birreta (un sombré ku 3 òf 4 skina steif ku ta usa komo parti di e bistentu litúrgiko) riba kabes di e kardinal, e ta bisa: "(Esaki ta) kòra [escarlata] komo signo di e dignidat di e ofisio di kardinal i ta nifiká ku abo ta prepará pa aktua ku fortaleza, te hasta e punto di drama bo sanger pa kresementu di e fe kristian, pa pas i armonia entre e pueblo di Dios, pa libertat i ekstenshon di Santa Iglesia Katóliko Romano".

## E signonan di reverensia: mas di posturanan

Banda di e posturanan propio di Misa tin otro posturanan ku nos ta pasa na relashoná. Por adoptá dos klase di postura korporal: buig i hinka rudia:

· **BUIG:** Ta indiká reverensia i honor pa personanan òf na loko nan ta representá i por ta di dos tipo: buig e kabes òf buig e kurpa òf profundo ku bo hasié for di e sintura.

o Buigmentu di e kabes ta

ser hasi na ora di nòmber di Hesukristu, di la Birgen òf di e santu di kua ta selebrá Misa. Mester hasi reverensia profundo den e Kredo hinkando rudia si e ta Solemnidat di Pasku di Nasementu òf e fiesta di Anunsiashon di Señor. Asina mes e bendishon presidensial ku ta konkluí e Misa mester ser risibí ku buigmentu di e kabes.

· Buigmentu di e kurpa òf reverensia profundo ta ser hasi na e altar ora Santísimo no tei einan; tambe mester hasi un buigmentu profundo kada biaha ku bo ta sirbi e obispu òf bo ta pasa dilanti di dje; ta hasié promé i despues di sensiamentu i den otro okashonnan ora esaki ta reglá. **Tur e personanan ku ta subi na e presbiterio pa realisá algun funshon manera por ehemplo lektor nan òf esnan ku ta bai hasi petishonnan di e Orashon Universal di Fielnan, ku normalmente nos ta yama orashonnan, tantu na ora di yega komo na ora di bai, mester buig profundo na e altar ku ta simbolisá Kristu i no e saserdote manera tin biaha nan ta**



## hasié ekibokadamente.

· **Hinka rudia:** Ta hasié semper ku e rudia drechi hibando esaki te na suela i ku ta nifiká adorashon. Dor di ta signo di adorashon e ta reservá na e Santísimo Sakramento i Santa Krus den e liturgia di Bièrnè Santu. Den resúmen, tur esnan ku ta aserká e presbite-

rio òf ta alehá nan mes di dje mester hinka rudia kada biaha ku pasa dilanti di Santísimo Sakramento i buig profundo na e altar (por ehemplo esnan ku a aserká pa hasi algun lektura òf petishon)

**Pedro Sergio Antonio Donoso Brant**





# Deskubrimentu grandi di vürwèrk

**HULANDA** – Kaha riba otro te na plafòn, skondí den un búnker bieu òf un mangazina di kunuku. I na e parti pafó tapá ku mata, pa asina for di un distansia no por mira ku tin kahanan yen di vürwèrk ilegal.

Luna pasá djis pegá ku frontera ku Alemanía, Polis a kue komo 350 mil kilo asina di vürwèrk ilegal den beslag. E parti mas grandi probablemente tabata destiná pa merkado hulandes. E tres sospechosonan prinsipal ta bini di Nieuwegein.

Segun Polis, ta trata di hendenan ku un segmento tòp den negoshi di vürwèrk kriminal. Kon grandi e impakto di e deskubrimentu di e negoshi ilegal di vürwèrk, ta difisil pa bisa. Polis ta papia di un deskubrimentu grandi i dor di esaki ta spe- ra ku kayanan di Hulanda ta poko mas seif.

Kriminalnan ta usa ko- bra ilegal, bòmnan di mor- tir i nitrato, pa kometé atake i eksploshon, asina Polis ta bisa. Tambe durante kam- bio di aña ta sende tur kos.

E deskubrimentu di 350 mil kilo ta unu grandi, un fuente a bisa NOS. Algun aña atras e tabata gana mí- les di euro ku negoshi di

vürwèrk ilegal. Ku e kanti- dat grandi ku awor a haña, negoshantenan sigur lo bai ripará algu.

Nan lo bai tin problema

pa yega na vürwèrk e tem- porada akí.

Polis a kompartí imágen den e depósitonan kaminda e vürwèrk ilegal tabata.



## Barku yen bebida pasando awa

**HULANDA** – Un barku di kòntainer yen di bebida ta pará ketu den Gouwe na Waddinxveen. Lo mester tin un buraku grandi den e kamber di mashin ku a yena yen di awa.

Brantwer i algun sam-

buyadó ta presente pa in- vestigá kon e buraku a originá, De Telegraaf ta in- formá.

E chens ku e barku lo senk ta chikitu, mirando ku tipo di barkunan asina ta kompartí den diferente par-

ti. Ainda no ta konosí kon e buraku a originá, Brantwer ta pensa entre otro dor di un choke.

N207 ta parsialmente será den ámbos direkshon. Di mes e tráfiiko marino riba Gouwe ta opstakulisá.



## Demanda di 18 aña pa asesinato

**HULANDA** – Min- isterio Públiko a pidi un kastigu di prizòn di 18 aña kontra Sandra H., kende ta sospechá di e asesiná un muhé di 29 aña for di Oostburg. Komo ku H. no ta duna klaridat kompleto di e asuntunan, Ministe- rio Públiko ta demand'è duru, Omroep Zeeland ta skirbi.

Fiskal ta yama e falta di respèt di H. pa kurpa humano 'askeroso'. Se- gun e fiskal, ningun kas- tigu lo kuadra ku e famia di e víktima.

H. tabatin un tienda spiritual den mesun kaya na Oostburg kaminda e víktima tabatin un tienda di kosementu. Nan dos a bira amiga di otro.

Na desèmber 2020 a muhé di 29 aña a dis- parsé. Lunanan largu a busk'è pero sin resultado. Na febrüari 2021 a de- tené Sandra. Den su outo a haña indikashon di un krímen. Informashonnan di GPS di su outo a kon- dusí na e awa den e bario Retranchement. Ei nan a bin haña e kurpa di e vík- tima di kap den pida.

Segun fiskal, H. a sintié gañá, pasobra su kasá e tempu ei tabatin relas- hon ku e víktima.

Segun ekspertonan, Sandra H. tin un defisien- sia personal i ta ménos re- sponsabel. E peliger riba ríptishon ta chikitu. Sí nan ta konsehá pa trata- mentu largu.

# Sospechoso di tiroteo detené

**HULANDA** – Djá- rason Polis a detené un so- spechoso di 18 aña riba sospechá di ta enbolbí den un tiroteo ku morto di un hòmer di 25 aña den su kas.

E tiroteo a tuma lugá siman pasá djaweps den Hildo Kropstraat. E vík- tima a fayesé un dia despu-

es debí na e leshonnan.

A detené e sospechoso na Utrecht. Polis a inves- tigá tambe kuater kas na Bèlgika i Hulanda. No ta ekskluí mas detenshon.

E sospechoso ta será bou di tur limitashon, loke ta enserá ku e por kontakto solamente ku su abogado.





**STATIA/SABA/ST. MAARTEN**

**Pènel di diskushon violensia doméstiko**

**ST. MAARTEN** – Djaluna 31 di òktober Departamento di Komunikashon, DCOMM, a tene un pènel di diskushon tokante violensia doméstiko. Presente tabata Minister di hustisia Anna Richardson, miembro di diferente agensia di e ministerio di hustisia, huntu ku sirbientenan sivil di otro departamento

relevante. Minister Richardson durante e pènel a remarká i komentá ku e oudiensi pa kontinuá ku nan esfuerso pa stòp violensia doméstiko. E asunto akí ta un asunto di aña den aña afó, no solamente pa luna di novèmber. No tin ningun hèrmènt pa solushoná e asunto akí, pero esfuersonan ta kon-

tinuá. Kada pènelista a eksplorá e tópiko, kompartí loke ta e posibel kousa di violensia doméstiko, e manifestashon di e tiponan akí den diferente forma i e vários tipo di violensia kontra hende muhé, for di verbal te na abuso síkiko. Tur violensia, di tur tipo, mester stòp dor di esfuerso kolektivo di komunidad.



**Lansamentu vishon di desaroyo nashonal**

**ST. MAARTEN** – Promé Minister Silveria Jacobs a djòin e departamentu di interior i relashon di Reino, BAK, pa lansa ‘Sint Maarten’s National Development Vision’ (NDV). E lansamentu ta prepará pa e dianan pa kondusí na Dia di St. Maarten, dia 11 di novèmber. NDV ta desaroyá a base di un partisipashon di aserkamentu, ku ta inklui tur ministerio, sektor privá, organisashon di sosiedat sivil i e públiko. Promé Minister i Minister di asuntunan general, Silveria Jacobs, a aportá ku e proyekto akí den su

totalidat, komo un baranka pa e desaroyo di konstrukshon di nashon. E ta mira dilanti pa kurashá envolvimentu públiko ku e proyekto akí. Konstrukshon di nashon pa St. Maarten ta nifiká primeramente i apesar di tur kos, inklushon sosial. Ta spera ku tur hende lo kontinuá kontribuí i hunga un ròl aktivo pa logra e metanan nashonal. E lansamentu oficial di NDV ta tuma lugá for di djaweps 8 di novèmber pa djaweps 10 di novèmber, djis promé ku selebrashon di Dia di St. Maarten.

**Presentashon bandera St. Martin uní**

**ST. MAARTEN** – Promé Minister i Minister di Asuntunan General, Silveria Jacobs, Minister di Edukashon, Kultura Hubentut i Deporte, huntu ku hefe di e departamento di kultura, Clara Reyes, a presentá importansia di un bandera di St. Martin uní. Promé Minister den su diskurso a remarká ku establese i disputa di separashon polítiko, e dos komunidadnan nashonal

a kontinuá biba den pas i harmonia ku otro, ku toke riba un relashon sosial fuerte i familiar. Promé Minister Jacobs a konfirmá ku despues di deliberashon ku partnernan franses di e respektivo konsehonan, huntu ku e ministernan di kultura, a bai di akuerdo pa firma un memorandum di entendimentu riba Dia di St. Maarten, pa usa e bandera di St. Martin uní komo ku

símbolo kultural di e afirmashon di e unidat i identidat di e siudadano di e isla. E gobièrnunan di ámbos parti di e isla ta spera ku e utilisashon di e bandera di St. Martin uní, lo no solamente kondusí na un sentido profundo di orguyo bou di e tema unidat, pero mester ta tambe un motivashon pa eksperimentonnan den futuro, inovashon i desaroyo.



GROWING STRONG TOGETHER

SINT MAARTEN NATIONAL DEVELOPMENT VISION 2020 – 2030 AND BEYOND



## ARUBA

*Parlamentario Shailiny Tromp-Lee:*

# Oposicion completo cu falta di seriedad

**ORANJESTAD** -- Durante prome tanda di e prome dia di tratamento di presupuesto 2023 mi a subraya e falta di seriedad di parti oposicion. Door di bandona sala nan ta crea polemica innecesario y deha di cumpli cu nan tarea principal di controla gobierno. Anto net pa cu tratamiento di e ley di mas importante cu ta e presupuesto di pais Aruba.

Nan ta referi na nan carta di dia 5 di september 2022, mediante Presidente di Parlamento, na Gobierno di Aruba caminda nan ta urgi pa Gobierno trek in e presupuesto presenta y re-encamina e proceso via Caft y Raad van Advies door di e decision di Gobierno pa no introduci BTW mas entrante 1 di januari venidero y na su lugar aumenta BBO cu 1%.

Ta bon pa pueblo sa cu e carta di oposicion a keda contesta door di Gobierno di Aruba 7 dia despues cu nan a manda nan carta, esta dia 12 di september 2022. Adicionalmente nan preocupacion y critica a keda debidamente contra aresta den e Nader Rapport (contestacion di Gobierno riba Raad van Advies) y den e Nota naar Aanleiding van het Verslag (contestacion

di Gobierno riba e preguntan manda por escrito door di Parlamento riba un ley). Pues ta duidelijk cu ta un strategia politico di oposicion. Loke ta subraya nan weg ta e echo cu nan a warda te awe pa haci nan show y informa cu nan no ta participa na tratamento di presupuesto 2023 si no cumpli cu nan exigencia si di dia 12 di september nan a ricibi e contestacion di Gobierno y tabata sa cu e ley no lo bay keda ingetrokken.

Ta bon pa pueblo sa, cu como preparacion pa e reunionnan publico aki, ta tene un Senioren Convent cual ta un reunion caminda nos ta stipula con e reunionnan ta bay tuma lugar. Na ningun momento oposicion a indica cu nan no lo participa na e reunionnan di presupuesto 2023. Ademas ta bon pa pueblo sa tambe cu Gobierno a busca conseho huridico debido y a contesta oposicion su carta debidamente. Conseho ricibi ta muestra cu e presupuesto ta cumpli! Pesey mes nos Fraccion ta sostene e decision di Presidente di Parlamento pa continua cu e reunion.

Segun ley Caft mester duna conseho DESPUES cu Staten trate. Un conseho di nan banda prome cu trata

e presupuesto ta opcional y no obligatorio. No obstante e echo aki mester indica cu Gobierno a consulta cu Caft y a tene debido cuenta cu nan conseho fecha dia 9 di juni 2022. Esaki nos por lesa den Memorie van Toelichting riba pagina 14 pa 19. Otro aspecto cu ta bon pa pueblo sa ta cu un presupuesto ta un apoderacion (machtiging) na Gobierno riba e parti di gastonan. Riba esey mester tin conseho di RvA cual debidamente a keda duna dia 12 di juli 2022. Riba cual mediante e Nader Rapport Gobierno di Aruba a reacciona dia 30 di augustus 2022. Pa loke ta trata e parti di en-

trada ta un schatting gobierno ta duna. Esey no ta cay dentro di e apoderacion cu nos ta duna ora nos aproba presupuesto 2023.

Pa loke ta trata e parti di entrada Gobierno ta provee un calculacion di e tradanan cu nan ta spera di genera den 2023. Esey no ta cay den e apoderacion. Loke a sosode ta cu inicialmente Gobierno su intencion tabata pa introduci un systema fiscal nobo entrante 1 di september, esta BTW. Pero mirando desaroyonan mundial y impacto di esaki riba e nivel di inflacion a dicidi pa pospone esaki. Mas cu claro mester percura pa genera e en-

tradanan necesario pa por carga e gastonan mara na e presupuesto presenta y nan a dicidi pa aumenta BBO cu 1 porciento.

E aumento aki ta reglaren un ley apart cu e presupuesto.

Un ley cu actualmente ta na Raad van Advies y ainda tin cu keda presenta na Parlamento.


Oposicion mester stop di bruha tera, haci nan trabou y cuminsa presenta e solucionnan cu nan tin cada biah nan ta critica. Nan ta exige pa Gobierno cumpli cu Caft y na mes momento ta contra tur accion cu Gobierno tuma pa por cumpli. Un falta di seriedad total.

## Vanessa Paulina ta participa na Festival di Buki pa Mucha

**ORANJESTAD** -- Vanessa ta skirbi buki mucha, e ta ilustra buki mucha, pinta cuadro y mural, e ta diseña paña y e ta haci hopi cos mas. Como un talento local e ta duna su aporte na e festival y ta bishita diferente scol pa duna presentacion y duna demos-

tracion con pa pinta. E bishita di scol ta stimula mucha pa lesa, lesa hunto, scucha storia, papia tocante e buki y conecta cu autor y ilustrado. Vanessa ta participa tambe den exposicion 'Biba Naturalesa' cu ta habri henter luna di november na biblioteca na Playa. Grandi y chikito ta

bon bini. Artista visual Vanessa Paulina a ilustra e buki di Festival di Buki pa Mucha titula, 'Amigonan tur caminda' na 2019. Pero tambe diferente otro buki. E aña aki Vanessa a ilustra e buki cu biblioteca ta publica, titula '30 aña di cantica pa mucha 1993-2022'.





**ARUBA**

*Minister Maduro ta reacciona*

# Oposicion no tin argumento valido

ORANJESTAD -- Di-aluna mainta a inicia den Parlamento di Aruba e tratamiento di Presupuesto 2023. Na inicio di e reunion coalicion den oposicion a protesta cu no por trata Presupuesto 2023 pa motibo cu no tin conseho di Raad van Advies y di CAFT riba e cambio den Presupuesto di BTW pa BBO. E fraccionnan den oposicion no por a presenta un argumento valido pa para e reunion y pesey a dicidi di bandona sala. Minister di Finansa Maduro cu tabata den un conferencia di prensa un rato despues di e sucedido a reacciona y a trece dilanti cu e argumentonan cu oposicion ta trece dilanti no ta valido. Ta blo excusa nan ta busca pa no traha. Gobierno a atende cu tur preocupacion di oposicion den e carta di 12 di september 2022. E mandatario a splica cu oposicion di AVP, MAS y Accion 21 a manda un carta pa Gobierno dia 5 di september ultimo, den cual nan ta pidi pa 'trek in' Presupuesto 2023 pa motibo cu falta conseho di Raad

van Advies y CAFT riba e cambio den Presupuesto 2023 di BTW pa BBO. Gobierno a contesta e carta aki dia 12 di september na unda a splica y trece aclaracion extenso riba cada punto cu oposicion a trece dilanti den nan carta.

**Aprobacion pa gasto y no entrada**

Minister di finansa a splica cu oposicion falta di conocimiento pa locual ta e Ley di Presupuesto di nos Pais. Segun nos Constitucion, den Ley di Presupuesto Parlamento ta duna apoderacion na Gobierno di Aruba pa locual ta gastonan cu Gobierno por haci. Pues Gobierno por gasta te locual cu Parlamento a duna aprobacion p'e. Riba e gastonan Raad van Advies mester duna su conseho. Esaki no ta conta pa entrada cu Gobierno ta pronostica. Con Gobierno ta realisa e suma presupuesta of si ta haya mas entrada cu calcula, no cay bou di e aprobacion di Parlamento. Cu a entrega un presupuesto cu entrada calcula di BTW of

BBO no ta cambia e esencia di e aprobacion di Parlamento pa Gobierno haci e gastonan necesario.

**CAFT mester duna conseho**

Pa locual ta CAFT, aki un biaha mas oposicion ta demostra di no tin conocimiento di e ley di supervision financiero. E ley ta prescribi cu despues cu e Presupuesto wordo aproba pa Parlamento di Aruba, Gobierno tin cu manda esaki pa CAFT duna su conseho.

No ta asina cu Gobierno ta obliga di manda e presupuesto pa CAFT prome cu mande Parlamento, e ta opcional y no obligatorio. Oposicion ta muestra cu nan no ta compronde ta con e ley di supervision financiero ta hinca den otro.

**Oposicion ta haci spetakel**

Minister di Finansa a subraya cu for di dia 12 di september caba Gobierno a contesta oposicion riba tur nan preocupacion. Te cu awe Gobierno no a



ricibi ningun reaccion y/o pregunta di oposicion riba e carta di Gobierno manda casi un luna pasa. Pesey no por tuma oposicion cu ta bandona Sala di Parlamento na serio. Mas bien por conclui cu oposicion ta haci spetakel pa bandona sala pa no asumi nan responsabilidad como miembro di Parlamento pa haci nan trabao y cumpli cu nan responsabilidad. Presupuesto ta e ley di mas importante di Pais Aruba y aki oposicion ta scoge pa no contribui. Oposicion un bes mas kier bruha tera y ta busca excusa pa no traha. Mester bisa cu ultimo añanan ta conoci cu e fraccion di AVP no ta gusta traha y no

ta presenta na Parlamento durante debatenan publico. E lider di oposicion ta conoci pa su ausencia largo den Parlamento. Awo por tuma nota cu e mala maña aki a contamina demas fraccion den oposicion y por mira cu tanto MAS y ACCION 21 kier usa e pretexto aki pa no haci nan trabao como Parlamentario di Pais Aruba, pero si kier sigui cobra sin traha.

Mescos cu gobernacion ta un responsabilidad serio, a yega tempo pa oposicion tambe asumi nan responsabilidad y duna un contribucion serio pa yuda nos Pueblo y Pais surpasa e diferente retonan nos dilanti.

*Na konferensia riba aviashon*

# Direktor di TCB ta papia di turismo duradero

ORANJESTAD- Durante di e konferensia riba aviashon 'Flight to the Future' ku ta tumando lugá e siman aki na Aruba, direktor di Tourism Corporation Bonaire (TCB), Miles Mercera, a papia riba e importancia di turismo duradero.

Mercera a kuminsá ku un rekonosementu kiko mester komprondé bou di turismo duradero, pasobra no tin klaridat tur ora. Segun Mercera tin hopi definishon, pero ku na su opinion e esensia ta ku e pueblo mester ta embolbí den desa-royo di entre otro turismo.

“Ta bunita ku nos ta papia di panel solar i bu-lamentu eléktriko, pero ta importante tambe pa embolbí e faktor mas importante, e hende, den e desa-royonan”.


Segun Mercera e peliger ta real ku na un dado momento e diskushon ta bai solamente riba kuantu invershon mester, sin preguntanan fundamental manera por ehèmpel kon ta trata e empleado den e industria turístiko. “Nan por biba di e loke nos ta generá ku turismo?”

Mercera ta mira tambe e

peliger ku mas i mas ménos hóben ta skohe pa un karrera den turismo. Mercera a papia riba e maneranan ku

Boneiru ta purba di atraé un otro tipo di turista, manera entre otro laga bishitantenan firma Bonaire Bond,

pero tambe ku introdukshon di e Tourism Entry Tax, ya e isla ta sigur ku e ta generá entrada di turismo.





# Presidente FFB ta asistí na kongreso na Kòrsou

**KRALEDIJK**--Riba invitashon di federashon di futbòl di Kòrsou, sr. Luty Balentin, presidente di FFB ku ta e federashon di futbòl di nos isla, tabata na Kòrsou pa un reunion importante, mas bien un kongreso di Karibe.

Lokual ku a resaltá hopi durante e enkuentro ta pa e federashonnan traha huntu.

Esaki pa tur federashon, entre otro di futbòl, beisbòl, atletik etc.

Esaki pa wak kon pa traha huntu pa e deporte en general di Boneiru i tur e islanan den Karibe.

Esaki ta e mihó manera ku nos tur por yuda otro pa

sobra a lo largu ta nos tur ta traha pa mesun kousa, pa e atleta.


Si e atleta bai dilanti ta pa nos tur, ta e mesun isla di kada unu.

E enkuentro aki a bini riba inisiativa di Kòrsou.

Tabatin diferente doñonan di nigoshinan netaamente pa deporte, por ehèmpel esunnan ku ta atendé ku asunto di lus, algu por ehèmpel pa den un lugá será hasi e airu fresku etc.

Tabatin tambe representante di NC Bright ku a elaborá hopi riba e sistema di Boneiru, di kua e la usa Boneiru komo ehèmpel.

E negoshantenan tabata



Luty Balentin

t'ei spesialmente pa mira kiko por hasi pa Boneiru den e kaso aki, kon pa pone kanfas riba e fèltnan, tambe lus riba e kanchanan etc.

Por ehèmpel kon por

drecha i hasi esakinan mas mihó. A sera konosí mas mihó ku esnan enbolbí, a interkambiá di idea pa loke ta trata e deportenan di futbòl, beisbòl, atletik, kon bo ta organisá pa un organisashon por yuda otro pa bai dilanti.

E intenshon ta bon, pasó e grupo ku a organisá e enkuentro aki na Kòrsou, ke hasi esaki un dia na Boneiru tambe.

E enkuentro aki tabata e promé i lo bai sigui mas di e enkuentronan aki.

No tin un fecha eksakto ainda, pero e próksimo lo ta na Boneiru.

No a menshoná fecha,

pero nan ke si pa mas pronto posibel esaki tuma lugá di manera ku esaki por sigui kana.

Riba nos pregunta sr. Balentin a bisa ku e reunion a bai bon, nan a interkambiá di idea, di kua a siña hopi tambe di e otro organisashonnan.

Huntu ku e federashon di Kòrsou, Boneiru a interkambia hopi kiko nan por hasi huntu, kon nan por mehorá nos futbòl, tantu di nan komo tambe di nos.

E idea ta pa wak kon e federashonnan di e islanan por yuda otro riba diferente ramo ku tin haber ku futbòl.

## Selekshonnan den Kopa ABCS na Kòrsou

**KRALEDIJK**--Dia 24 pa 27 di e luna aki nos selekshon di futbòl grandi ta bai partisipá na Kopa ABCS di futbòl na Kòrsou.

De di kombersashon ku e organisadónan na Kòrsou, a bin ku e idea ku Boneiru lo por bini tambe ku nan U9, U11 i U13.

Ku esaki Boneiru ta trahando hopi duru pa realisá esaki, pasó fo'i chikitu e muchanan por sera konosí djaserka kiko ta un selekshon.

Esaki ta pa bienestar di nos tur, di Boneiru, Kòrsou i Aruba ku tambe a keda di wak ku nan por bini ku nan "U-nan".

Esaki ta desaroyo pa futbòl di e muchanan fo'i chikitu.

Mesun dia ku e selekshon grandi ta biaha pa

Kòrsou pa Kopa ABCS, mesun dia e selekshonnan di e "U"nan tambe ta biaha pa Kòrsou.

Nan ke hasi esakinan dianan 25 i 26 di e luna aki ku ta riba un djabièrnè i un djasabra.

Anto nan ke hasié ègt manera selekshon mes, ke men ta kuminsá hinka den e muchanan, ku ta esaki ta lokual ku ta sosodé ora kubo biaha ku selekshon.

Ku esaki e muchanan ta haña sa i siña tambe, por ehèmpel pa e yega, kon e tin ku kana pa e por yega, pa por logra esaki, ya na momentu ku e bira grandi, e sa kaba kon i kiko e tin ku hasi pa logra yega.

Si bo kuminsá fo'i chikitu ku e muchanan, ta esaki nan tin ku fèrwagt momentu ku nan tin ku biaha ku un

selekshon.

Pa loke ta e selekshon grandi pa Kopa ABCS, esei ta kla reglá kaba, solamente aworakí tin ku atendé ku e selekshonnan di e "U"nan, entre otro asuntunan di skol etc pa nan por biaha.

Kada selekshon ta biaha ku nan "coach"nan.

Solamente esakinan no ta konosí ainda.

Djamars anochi tabatin reunion ku tur e "coach"nan ku ta atendé ku e muchanan, loke ta fásil pa yega na e "coach"nan pa biaha ku e selekshonnan.

Tambe lo bai ku algun mayor pa atendé ku e muchanan.

Esaki e presidente di FFB ku ta sr. Ludwig "Luty" Balentin, a bisa den entrevista ku nos tabatin kuné e siman aki.

## Inisio kampionato futbòl femenino

**KRALEDIJK**--Djaweps awó 9 di novèmber 2022, FFB ta kuminsá ku su promé kampionato ofisial di futbòl mucha muhé pa Boneiru.

Ta bai hunga den tres blòk ya ku tin tres ekipo.

E ekiponan den e kampionato ta ATC, Vespo i Flamingo.

Esaki ta kuminsá djaweps 8or anochi na Fèlt Elion Flores na Amboina.

E tres ekiponan aki ta hunga dos bia kontra otro den un blòk, pero na tur lo tin tres blòk.

E promé blòk ta e promé seis siman, despues di esaki e di dos blòk i asina sigui pa e di tres blòk pa yega na e kampion di Boneiru.

Nos ekiponan tin basta dia ta trein ta prepará nan mes i awó porfin a yega e momentu pa futbòl femenino kuminsá ofisialmente ku un kampionato di Boneiru.

Porfin e kampionato ta bai kuminsá awe djaweps 10 novèmber 2022.

Esaki danki na FFB pa su esfuersonan, tambe e timnan ku nos ta spera ku pronto nan lo bira mas tantu tim, pa sigui desaroyá e futbòl femenino di nos isla.

Nos ta deseá e tres timnan femenino aki di futbòl di nos isla tur, pero tur klase di éksito pa yega na e promé kampion femenino di futbòl di FFB i di Boneiru.

## Resultado ranking biliart

**KRALEDIJK**--Djamars último 8 novèmber 2022, tabatin kontinuashon di e weganan di biliart bálido pa Ranking di nos isla, esaki den sala di biliart di Kompleho Deportivo Jorge Nicolaas na Kaya Amsterdam.

### Resultadonan.

Javier Sof – Mathieuw Anthony 7-3.

Lacey Pauletta – Darvick Anthony 7-4.

Garino Molina – Chal Thomas 7-0.

Francis Winklaar – Frensel Martha 7-6.

Brian Landskind – Gregory Frans 7-2.

Andrew Mercera – Jerry Albertus 7-3.

Maximi Wilsoe – Arnold Ford 7-6.

### Ecu Bon Construction B.V.

ta buska

**2 Schilder**

**1 Metselaar**

**Pa mas inf. 782-2903 òf 780-6082**







## Akuerdo tokante aviashon duradero

**KRALENDIJK** – Gezaghebber Edison Rijna durante e konferensia di aviashon djaluna na Aruba ‘The Future of Flight’, a firma un memorandum di entendimentu tokante aviashon duradero.

Den e memorandum di

entendimentu firmá pa e seis islanan di Karibe Hulandes, Hulanda i e seis aeropuertonan, a stipulá afsprak tokante e eksplorashon di e posibilidatnan pa yega na konekshon aéreo pagabel, efisiente i duradero, entre Kòrsou, Aruba, St.



Maarten, Boneiru, St. Eustatius i Saba.

## Herido grave dor di choke

**HULANDA** – Djárason mèrdia banda di 3’or un skuter a dal den banda di un bùs riba O.C. Huismanstraat na Nijmegen.

Dor di esaki e shofùr di

e skuter i un mucha ku tabata sintá patras resultá seriamente heridá.

Ku urgensia a transportá e shofùr i e mucha pa hospital. E krusada kaminda

e aksidente a tuma lugá a keda será kompletamente.

Un tim di trouma a akudí na e sitio pa duna asistensia lihé.



### VACATURE

**Autospuiter/ Automonteur bij AB Car Rental**

#### Functie omschrijving:

- Je zorgt voor reparaties van schades en roestbehandelingen aan onze verhuurauto's;
- Je bent gediplomeerd autospuiter;
- Je zorgt er voor dat onze verhuurvloot er altijd netjes bij staat

#### Functie eisen:

- Je hebt MBO niveau schadeherstel en/of een diploma auto spuiter of minimaal 5 jaar ervaring in een vergelijkbare functie.
- Je beschikt over rijbewijs B
- Je spreekt Nederlands, Papiamentu en/of Spaans.

#### Wat bieden wij jou?

- Een 45-urige werkweek
- Passend salaris bij de functie

Je sollicitatiebrief voorzien van C.V. die je **voor 01 december 2022** te richten aan naar [Oscar@abcarrental.com](mailto:Oscar@abcarrental.com), ter attentie van de heer L. Berkenbosch. Voor vragen kun je bellen naar +599 717 8980. Meer informatie over ons vind je op [www.abcarrental.com](http://www.abcarrental.com).



UP TO  
**60%  
OFF**

on selected  
baby items

AERONAUTICAL  
CHILDREN BED

REDUCED PRICE

**\$194**



**70%  
OFF**

**HOT**  
price

also  
available in



SLEEPER  
SOFA **\$495**

END TABLE

REDUCED PRICE

**\$147**



**40%  
OFF**

\*riba artikulonnan selektá

TE KU **70% OFF\***

**FIN DI  
AÑA**

UP TO **70% OFF\***



**City Shop**

Smart shopping ▶ Better living

Kaya International #36

[www.cityshopbonaire.com](http://www.cityshopbonaire.com)

City Shop Bonaire

+599 717.36.66

[info@cityshopbonaire.com](mailto:info@cityshopbonaire.com)

+599 700.64.42